

08.02.2026

Тропарь воскресный, глас 2:

Егда снизшел еси к смерти, Животе Безсмертный, / тогда ад умертвил еси блистанием Божества: / егда же и умершие от преисподних воскресил еси, / вся силы небесныя взываху: / Жизнодавче, Христе Боже наш, слава Тебе.

Тропарь всех святых новомучеников и исповедников Церкви Русской, глас 4:

Днесь радостно ликует Церковь Русская, / прославляющи новомученики и исповедники своя: / святители и иереи, / царственные страстотерпцы, / благоверныя князи и княгини, / преподобныя мужи и жены / и вся православныя христианы, / во дни гонения безбожнаго / жизнь свою за веру во Христа положившия / и кровью истину соблюдшия. / Тех предстательством, долготерпеливе Господи, / страну нашу в Православии сохрани / до скончания века.

Слава Отцу, и Сыну, и Святому Духу.

Кондак всех святых новомучеников и исповедников Церкви Русской, глас 3:

Днесь новомученицы Российстии / в ризах белых предстоят Ангцу Божию / и со Ангелы песнь победную воспевают Богу: / благословение, и слава, и премудрость, / и хвала, и честь, / и сила, и крепость / нашему Богу / во веки веков. Аминь.

И ныне, и присно, и во веки веков. Аминь.

Кондак Недели о блудном сыне, глас 3:

Отеческия славы Твоя удалихся безумно, / в злых расточив еже ми предал еси богатство. / Темже Ти блуднаго глас приношу: / согреших пред Тобою, Отче щедрый, / прими мя кающуюся / и сотвори мя яко единого от наемник Твоих.

Прокимен, глас 2: Крепость моя и пение мое Господь, / и бысть мне во спасение.

Ин Прокимен, глас 7: Бог нам Прибежище / и Сила.

Причастен: Хвалите Господа с Небес, хвалите Его в Вышних.

Ин Причастен: Радуйтесь, праведнии, о Господе, правым подобает похвала. Аллилуиа. Аллилуиа. Аллилуиа.